

cionem inclinamur, tanto evidencius nostris videmur utilitatibus intendere et benemeritorum circa regiam maiestatem recognoscere devocionem. Cum autem propter diversitatem agendorum imperii nostri singulis imperii fidelibus necesse [sit^a] singula committere negocia pertractanda, ut quod nos presentialiter exequi nec volumus nec valemus, eorum industria per[tractetur]^b g [vac]ante potencia et auctoritate, talibus ex innata nobis circumspectionis affluencia vices nostras volumus ac debemus committere, qui usque modo in fide[litate] ope t efficaces. Considerata igitur diligencius et recognita honestate, peritia, maturitate et sincere circa regiam eminenciam fidei integritate dilecti et familiaris nostri Iacobi venerabilis Taurinensis episcopi, ad notitiam presencium et memoriam futurorum volumus pervenire, quod nos de [propria] voluntate nostra, habito principum et baronum nostrorum consilio, eidem episcopo imperialis curie commisimus vicariam, constituentes eum nostrum vicarium atque ad officium necnon dignitatem vicarie nostre omnibus civitatibus, oppidis, castris, monasteriis, ecclesiis ac villis singulisque imperii fidelibus ipsum offerentes. Damus eciam eidem vicario nostro liberam facultatem vice nostra, ut liceat ei singulos quosque, tam magnos et parvos quam mediocres, universitates quoque et communia civitatum aliorumque omnium locorum, ad causas citare, questiones et causas universas libere examinare et diffinire, sentencias universaliter execucionis mandare, possessiones contra contumaces dare, contumaces bannire et alias punire iniusteque a quocumque bannitos absolvere. Ad hec eidem liberam concedimus facultatem, ut tutoribus et curatoribus dandis et emancipationibus atque adoptionibus^c et insinuacionibus immensarum donacionum faciendis vice nostra possit auctoritatem prestare. Et quecumque alia, que ad officium et dignitatem imperialis vicarie spectare videntur, conferimus eidem ita, ut ea libere et generaliter vice et auctoritate nostra ubique exequi valeat, ratum quod in his fecerit perpetuo habituri. Quare universis imperii fidelibus mandamus per gratiam nostram firmiter iniungentes, quatenus eidem episcopo vicario nostro tam de predictis omnibus quam de aliis, que ad vicarie dignitatem pertinere dinoscuntur, in integrum respondere curetis omni occasione et recusacione cessante. Si quis autem contra ordinacionem

a) Keine Lücke. b) Was hier und im Folgenden eingeklammert ist, war nicht mit Sicherheit zu lesen. c) *adocionibus*.